

Votɔ mbeti nœ Yowane Tshatshu o'o

Asœke kœdœ votɔ mbeti á azu gbe adœke Yowane dá sú. Tshe su fœ anga yindœ Yisu bale á i'iri ye wu Gayushi. Yowane vwa lima azu dje lakpi mbœrœ kœmindœ o'o ama Ndjaba, kashe lɔkɔ á endje wuta ɓa lakpi ogo Gayushi, Diyotrefe vwaratœ ye adœke endje lo ɓa sœnda nœ œne nene. Tshe gɔrɔ ndje lima ayindœ Yisu á endje za lima osho kœsœ fœ aayi avwanœ ɓa sœnda nœ endje lœ ikrizia. Mbœrœ tœncœ ataa, tshe su mbetinœ fœ Gayushi adœke tshe ka ngbiri, œ zaza awa kœmbœrœ mara œrœ nœ Diyotrefe nene. Œ li adœke azu za osho kœsœ dœ ɔtshɔncœ fœ azu á endje yi kumu endje ndœ kœmindœ Ɔtshɔ O'o.

Mbetinœ kurutshelœtœ ye atake:

- Tshatshu o'o (1-2)
- Kœdonga osho tœ upu nœ Gayushi (3-8)
- Mara kœmbœrœtœ nœ Diyotrefe (9-10)
- Kœdonga osho tœ mara kœmbœrœtœ nœ Demetriyuse (11-12)
- Abala (13-15)

Abala

¹ Œmœ dœ Gbozu Ikrizia, mœ sœ kœsu mbetinœ asœ fœ aya mœ dœ Gayushi á mœ yindœ ye tɔpanœ kpuru lœ adja o'o.

² Aya mœ á mœ yindœ zœ, mœ yindœ nœ adœke œrœ kɔ sœ dœ ɔtshɔncœ ga ndœ zœ, yé ɓœ sœ dœ ɔtshɔ ɔkɔ zœ ɓata á ɓœ sœ dœ tœncœ lœ ishiri.

Yowane donga Gayushi

³ Mœ sœ lima dœ yanga waa lɔkɔ á ayindœ Yisu na á mindœ nœ fœ mœ adœke ɓœ zatœ zœ djigi fœ Ndjaba yé œ sœ kœmbœrœtœ zœ liaka adja o'o.

⁴ Anga œrœ kpi á za yanga fœ mœ gugu nene kolœ kœdji adœke agbolo nœ mœ sœ kœna lœ awa nœ adja o'o.

⁵ Aya mœ á mœ yindœ zœ, ɓœ sœ kœzatœ zœ dœ lœsu zœ bale ga tœ œneke á ɓœ sœ kœmbœrœ fœ ayindœ Yisu œdœ pe fœ agene.

⁶ Endje patœ kœyindœsho nœ zœ ɓa utshu Ikrizia. Mœ sœ kœki fœ ɓœ adœke ɓœ ti kane endje lœ ana nœ endje ɓata á Ndjaba yindœ nœ dœ ɔtshœnœ.

⁷ Gbambœ nene, mbœrœ kœmbœrœ akwanœ fœ Kristu dá endje zatœ endje ga tœ awa. Yé endje vwaratœ endje kœgbɔ œrœ tshakane azu á endje yiyindœ Yisu nene.

⁸ Œ li dœ azœ kœti kane mara azu atamœ mbœrœ a kœngbɔtœ akwa dœ endje á kœmindœ adja o'o awa bale dœ endje.

Adiyotrefe dœ Demetriyuse

⁹ Mœ su mbeti teasho fœ ikrizia nœ 'e, kashe Diyotrefe á tshe yindœ kœka ga pa œrœ kɔ, gɓegbe ga pa œneke á mœ pa asœke nene.

¹⁰ Mbœrœ tœnœ ata lɔkɔ á mœ kœyi kumu mœ ɓa zœ, mœ pandœ ekperœ nœ ye á tshe sœ kœmbœrœ tœnœ. Tshe sœ kœpa ekpe o'o œdœ wala tœ upu nœ azœ. Kashe œneke á tshe mbœrœ kɔ asœmœ lili tœ ala ye nene, tshe kpa vwaratœ ye tœ kœza osho kœsœ fœ ayindœ Yisu lœ awa ana, yé œ sœ kœvwara ndje tœ ye tœ endjeneke á endje

sœ kœ'e endje ga ndœ endje. Tshe sœ kœpakata endje yé œ sœ ndje kœgǝrǝ endje lœ ikrizia.

¹¹ Aya mœ á mœ yindœ zœ, zaza mara kœembœrœ œrœ nœ ekpe azu nene kashe za mara kœembœrœ œrœ nœ ɔtshǝ azu. Uzu nœ kœembœrœ ɔtshǝrœ kœdœ uzu nœ Ndjaba yé uzu kœembœrœ ekperœ wuwusœ Ndjaba nene.

¹² Azu para kǝkǝ sœ kœpa ɔtshǝ o'o nœ Demetriyuse. Adja o'o sœ kœpa ndje tœ ye. A'a ndje, a sœ kœpa ndje tœ ye awa bale yé 6œ wusœ nœ adœke œneke á 'a sœ kœpa tœnœ kœdœ adja o'o.

Ndǝngǝlǝ abala

¹³ Mœ sœ dœ o'o ndjoro kœpa fœ 6œ, kashe mœ yiyindœ kœsu tœnœ ga pa kako mbeti nene.

¹⁴ Mœ sœ kœgbe kœwu 6œ lœ ondonœ asœ yeka a kœpa tshama azœ dœ 6œ.

¹⁵ Kaka kœsœ gee sœ dœ 6œ. Anga zœ vwa abala fœ 6œ. Za ndje abala nœ mœ dœ tœ zœ fœ uzu dœ uzu.

TAF0 AYO
The New Testament in the Manumanaw language of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2024-07-29

PDF generated using Haiola and XeLaTeX on 18 Apr 2025 from source files
dated 29 Jul 2024

40e3c5cb-c2ea-5cf8-8a40-4c6f77a45343